



Múte B. Egede
Inatsisartuni ilaasortaq, Inuit Ataqtigiit

§ 37 naapertorlugu ilinniartut ineqarfii pillugit apeqquteqaatip nr. 140/2019-ip akissuteqaataa

25-03-2019
Sagsnr. 2019 - 6900
Dok. nr. 10273508

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Asasara Múte B. Egede,

Inatsisartut Suleriaasiat naapertorlugu apeqqutinnut qujanaq. Ataani apeqqutitit akissuteqarfigissavakka.

1. Aningaasanut Inatsit 2019-imoortoq naapertorlugu Aasianni 32-inik siniffisaqartumik ilinniartut inissaannik sanasoqassasoq siunniunneqarpoq, Naalakkersuisut siniffiit 32-it naammattutut nalilerpaat?

a. Tamanna aappiuppat: sooq naammappat?

b. Tamanna naamiuppat: sooq naammangillat?

Akissut: Siniffiit amerlassusaat eqqaaneqartut 2019-mut Inatsisartut aningaasanut inatsisaanni missingersuusiornikkut tunngavilerneqarput. Pilersaarusiornermi aningaasanut inatsisissamut tunngassuteqartumik siunnersorti ilinniarfeqarfiit suleqatigalugit pisariaqartitsinermi misissuineq nutarsarneqarnikuuvoq. Pisariaqartitsineq annertunerulissappat, immikkoortoq 1-mut ilanngunneqarsinnaavoq imaluunniit immikkoortunut tulluuttunut (2 aamma3).

2. Aasianni ilinniartut inissaatut sanaartoneqartussat qassit ilaqutaarlinnut tulluarsagaappat?

Akissut: Maanna illoqarfinni arfinilinni ilinniartoqarfiusuni ilinniartunut inissialiorneq pilersaarusiortolugu aallartinneqareerpoq, tassani ilinniartoqarfiit pisariaqartitaat ilanngunneqarput. Tamanna ilaatigut ima isumaqarpoq, ilinniartunut inissialiornissamik pilersaarusiornermi pingaartinneqassasoq, ilinniartoqarfiit ilinniartunik ilaqutalinnik qinnuteqartoqarnissaanik naatsorsuuteqarnerisut.

3. Siniffiit qassit pisariaqartinneqarnersut Aasianni Ilinniarnertuunngorniarfiup nalunaarsorsimavai?

a. Taamaaliortoqarsimappat qanoq annertutigisut pisariaqartinneqartut oqaatigineqarpat?

Akissut: Siniffiusinnaasut qanoq amerlatiginissaannik pisariaqartitsineq ilinniartunut inissialiornissami pilersaarummi takuneqarsinnaassaaq. Apeqqummut 2-mut akissummi takuneqarsinnaasutut, ilinniartoqarfiup pisariaqartitai suliassaqarfiup pilersaarusionerani ilanngunneqarsimapput.

4. Avannaani ilinniarnertuunngorniarfik pisortat inissiaataanik qassinik ilinniartut inaannik amingaateqarneq pissutigalugu attartortariaqarsimava?

Akissut: GUX Aasiaat 15-inik atuarfiup avataani 15-inik attartorsimavoq.

5. Aasianni ilinniartut ineqarfii nutaanngilillutik inoqarunnaareersut ingutserneqarnissaat qaqaqagu pissava?

Akissut: Naalakkersuisut aningaasaliinermi tunngavik marluinngorlugu avitaaq aallaavigalugu sulipput, taamaasilluni isaterinernik aningaasaliinerit aamma ilinniartut inaannik sanaartornermut pilersaarutip immikkoortua 1 Inatsisartut Aningaasaqarnermut Akileraartarnermullu Ataatsimiititaliaanit tunngaviummik akuerineqartariaqarluni. Tassannga akuersisoqareernerata kingorna illuutit piusut ilinniartut inissiassaannut nutaanut inissaqartitsiniarluni isaterneqassapput.

6. Avannaani Ilinniarnertuunngorniarfiup kantiinarisimasaa maanna matoqqasoq qanoq iliorneqarniarpa?

Akissut: Naalakkersuisut kantiinap tuninissaa eqqarsaatersuutigaat, suliarlu tamanna aallarnisarneqareerpoq.

Inussiarnersumik inuulluaqqusillunga


Ane Lone Bagger